



263
PB-39

Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

Broj: 01-04/02-04-32093-39/24
Sarajevo, 2.7.2024. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: Odgovor na zastupničku inicijativu, dostavlja se

Cijenjeni,

Zastupnice u Skupštini Kantona Sarajevo **Danijela Kristić** i **Elza Gaković** su u okviru 16. Radne sjednice Skupštine Kantona Sarajevo, održanoj dana 10.6.2024. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20, 14/20, 16/22 i 17/22-Ispravka), uputile zastupničku inicijativu:

„Podnosimo inicijativu da Ministarstvo odgoja i obrazovanja propiše i usvoji Protokol u svim obrazovnim ustanovama vezano za specifičnosti hroničnog oboljenja dijabetes tip 1“.

Odgovor:

Zahvaljujemo uvaženim zastupnicama na dostavljenoj inicijativi i informišemo Vas o sljedećem:

U skladu sa članom 14. Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj: 40/2022), Ministarstvo za odgoj i obrazovanje Kantona Sarajevo vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja, kao i obrazovanja odraslih.

U skladu sa članom 8. istog zakona, Ministarstvo zdravstva vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti zdravstva.

Imajući u vidu prethodno navedeno, u nadležnosti Ministarstva za odgoj i obrazovanje Kantona Sarajevo, nije donošenje propisa iz oblasti zdravstva.

Prve smjernice za dijabetes u našoj zemlji izdate su 2005. godine od strane Ministarstva zdravstva Kantona Sarajevo (Vodič za diabetes mellitus), a 2008. godine smjernice su obnovljene sa Kliničkim vodičem za dijabetes koji je realizovan uz podršku Svjetske zdravstvene organizacije i Regionalnog ureda za BiH.



Mišljenja smo da upućena zastupnička inicijativa iziskuje posebnu pažnju prilikom donošenja propisa kao što je Protokol o postupanju sa djecom koja boluju od ove hronične nezarazne bolesti u odgojno-obrazovnim ustanovama, u kojim trenutno nije zaposlen stručni kadar koji bi mogao da odgovori izazovima prepoznavanja simptoma pojave bolesti kod djece, kao i da provodi proceduru mjerenja nivoa šećera u krvi, pravilne prevencije pogoršanja bolesti (postupanje u slučajevima hiperglikemije i hipoglikemije) te davanja insulina, s obzirom da dijabetes tipa 1 obično dovodi do apsolutnog nedostatka inzulina.

Sve navedeno podrazumijeva edukaciju i određenu obuku uposlenika odgojno-obrazovne ustanove u postupanju sa djecom koja boluju od dijabetesa tipa 1., za što Ministarstvo za odgoj i obrazovanje Kantona Sarajevo nema kompetencije, ali svakako podržavamo inicijative koje se odnose na očuvanje zdravlja svih aktera u odgojno-obrazovnom procesu.

Ukoliko Ministarstvo zdravstva Kantona Sarajevo podrži pomenutu inicijativu i pokrene njenu realizaciju u pogledu donošenja Protokola o postupanju sa djecom koja boluju od dijabetesa tipa 1. i provođenju edukacije nastavnog i stručnog kadra u odgojno-obrazovnim ustanovama, Ministarstvo za odgoj i obrazovanje Kantona Sarajevo iskazuje spremnost za svaki vid saradnje.

S poštovanjem,

PO OVLAŠTENIH MINISTRICE

Ezraim Kurbanović

Dostaviti:

1. Naslovu
2. Sekretaru Ministarstva
3. A/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba

2/2